



ՎԵՀԱՓԱՌ ՀԱՅՐԱՊԵՏԻ ՔԱՐՈՁԸ ԻՐ ԳԱՀԱԿԱԼՈՒԹՅԱՆ
34-ՐԴ ՏԱՐԵԴԱՐՁԻՆ՝ ԱՐՏԱՍԱՆՎԱԾ ՍՈՒՐԲ ԷԶՄԻԱԾՆԻ
ՄԱՅՐ ՏԱԾԱՐՈՒՄ
(1 հոկտեմբեր 1989 թ.)

«Յանուն Հոր եւ Որդոյ եւ Հոգւոյն Սրբոյ. ամեն»:

Սիրեցեալ ժողովուրդ Մեր որ ի Հայաստան և որ ի սփիւռս աշխարհի:
Անցան երեսունչորս տարիներ այն օրից, երբ Աստուծոյ խղորմութեամբ
և մեր Մուրթ Եկեղեցու ու ժողովրդի կամքով կոչուեցինք ստանձնելու հա-
յոց առաքելական Եկեղեցու առաջին սպասաւորի պաշտականութիւնը:

Մեր գահակալութեան նախորդ տարեդարձները եղել էին ուրախ ա-
ռիթներ, անդրադառնալու Մեր գործունէութեան արդիւնքներին և հետա-
գայ եկեղեցաշէն ծրագրերին: Այս տարի այդ պարագան չէ: Մենք բոլորս
այս օրերին հեռու ենք ուրախ լինելուց: Մեր ցաւատանջ սպասումները ար-
ցախեան դատի արդար լուծման, մեր հայրենի աշխարհի դառնօրէն վի-
րասի վիճակը, իբրև հետևանք անցեալ Դեկտեմբերի 7-ի ահարկու երկ-
րաշարժի, մթազնել են մեր կեանքի մթնոլորտը ծանր մտահոգութիւննե-
րով:

Այս պահին, այս աղօթքի և ուխտի պահին, Մեր սրբազան պարտքն
ենք նկատում Մեր արտի խօսքը ուղղել մեր ողջ ժողովրդին, որ ամուր
պահի պահպանի՝ եպրելու, գոյատևելու իր կամեցողութիւնը, իր վերքերը
բուծելու, տոկլալու և դժուարութիւնները յաղթահարելու քաջութիւնը, որ
վառ պահի յոյսի կանթեղը և երազանքը նոր վերածննդի:

Թող որ՝ «ոչք վարէին ադաւառօք՝ ցնծութեամբ հնձեացէն» (Սաղմոս
ճԻԵ 5):

Եւ, ո՛վ գիտէ, գուցէ այս աղէտները նոր փորձութիւններ են մեր բազ-
մադարեան պատմութեան ճանապարհի վրայ, որպէսզի դրանք յաղթահա-
րելով, մեր ազգը հասնի ոգեկան նոր բարձունքների, զի տառապանքով
միայն կարելի է հասնել աստղերին:

Թէև տխուր ենք ու մտահոգ, սակայն ոչ յուսահատ: Յուսահատութիւնը
քրիստոնէայի համար մեղաւոր վիճակ է: Յոյսը հալատ է և զէնք պաշարի
և ճանապարհ յաղթանակի:

«Յոյս ոչ երբէք ամաշեցուցանէ» (Հոռմ. Ե 5):

Աւելին, նոյնիսկ մխիթարողական պահեր ենք ապրում այս իսկ օրերին:

Այո՛, մխիթարական է տեսնել, թէ ինչպէս աղէտեալ շրջանները հետըզհետէ վերաշինում են, օծւում բազմահազար բնակատեղիներով, դպրոցական շէնքերով, հիւանդանոցներով և գործարաններով, չարքաշ աշխատանքովը մեր ժողովրդի և օգնութեամբը Խորհրդային Միութեան տարբեր հանրապետութիւնների ու սրտասահմանի մարդասէր կազմակերպութիւնների:

Մխիթարական է, որ աղէտից յետոյ Խորհրդային Միութեան տարբեր շրջաններում ապաստան գտած տասնեակ հազարատեղ ընտանիքներ, իրենց երեխաներով, արդէն վերադառնում են իրենց ծննդավայրերը, և նրանցից շատերն իրենց ձեռքերով նոր համեալ բնակատեղիներ են կառուցում:

Ով անցելում է այս օրերին աղէտեալ շրջանները, ամենուրեք տեսնում է լարուած աշխատանք և գոհացուցիչ իրագործումներ, ազնիւ մարդկանց ձեռքով կատարուած հայրենի պետութեան լայն միջոցառումներով: Մեծապէս յուսադրիչ է այս իրողութիւնը և ստույգ գրաւական, որ առաջիկայ մի քանի տարիների ընթացքում երկրաշարժից աւերուած քաղաքներն ու շէնքերը պիտի վերագտնեն իրենց երբեմնի բնակաւնոն կեանքը: Հայրենի կտորի տակ նորից կը լինի հաթսանիք և մկրտութիւն:

Մենք մխիթարում ենք ոչ միայն նիւթական շինարարութեան իրագործումներով, այլև ազգային ինքնագիտակցութեան ու արժանապատւութեան զարմանալի զարթոնքով ու նաև կրօնական, հոգևոր ապրումների ճառագայթումով:

Այո, յստակ իրողութիւն է, որ Հայաստանի ու Արցախի մեր ժողովուրդը իր ազգային ինքնութեան արմատները որոնելու ճանապարհին, հասնում է նաև իր կրօնական ստանդարտին, իր ազգային մայր Եկեղեցու, Հայաստանեայց Առաքելական Եկեղեցու ոգեկանութեան ակունքներին:

Զարմանահրաշ երևոյթ է, որ մեր ժողովուրդը, մասնաւոր աղէտեալ շրջաններում, դեռևս անհամար զրկանքների մէջ, դիմում է Մեզ, դիմում է մեր հոգևորականներին ու աղերսում, որ նոր եկեղեցիներ բացուեն, որ Սուրբ Գրքեր և խաչիկներ բաժանուեն:

Մենք յուզումով ենք յիշում, երբ անցեալ Դեկտեմբերի 11-ին, երկրաշարժից չորս օր յետոյ, աւերակ Լենինականի հրապարակում գտնուած ժամանակ, Ամենափրկիչ փլուած եկեղեցու աւերակների առաջ, Մեր շուրջը հառաքում բազմահարիւր ժողովուրդը, իր ահադր վիշտը, իր մեռելները կարծէք մի պահ մոռացած, դիմում էր Մեզ, թէ՛ «Վեհափառ, ե՛րբ էք վերականգնելու մեր սուրբ Տաճարը»: Եւ այս վերջին ամիսներին, ամէն կողմից դիմումներ են հասնում Մայր Աթոռ՝ նոր եկեղեցիներ բացելու և հները վերանորոգելու: Սպիտակի ժողովրդի աղերսը այս օրերին աղաղակի է վերածուել, նոր եկեղեցի կառուցելու անտեղ, ի յիշատակ ամբողջ աղէտեալ շրջանի գոհերի: Առաջժմ մի վարդապետ ենք ուղարկել անտեղ հառաքովի մի տնակում եկեղեցական արարողութիւններ կատարելու:

Աւելին, մի քանի օր առաջ, նոր թախանձագին դիմումներ կատարուեցին Մեզ՝ Ստեփաննոսեանի և Կիրովականի աղէտեալ ժողովրդի կողմից, որոնք պահանջում են աւելի ընդարձակ եկեղեցական նոր շէնքեր ունենալ,

քանի որ իրենց եկեղեցիները թեև չեն քանդուած, սակայն փոքր լինելով չեն բաւարարում բազմահազար հաւատացեալների հոգևոր կարիքներին:

Բայց ոչ միայն աղէտեալ գոտում, հոգևոր զարթօնքը ճառագայթում է նաև Արցախում ու Հայաստանի միւս շրջաններում, ուր բազմահարիւր մկրտութիւններ են տեղի ունենում ամէն շաբաթ և կիրակի օրերին:

Մենք և Մեծի Տանն Կիլիկիոյ Կաթողիկոս Տ. Տ. Գարեգին Բ-ը բուն, ցնցող ապրումներ ունեցանք Մեր ուղևորութեան ընթացքին՝ Եղեգնաձորում, Սիսիանում, Գորիսում և Տաթևում՝ տասնեակ հազարաւոր ժողովրդի սրտի տրոփիւնը զգալով ու նրա վերընձիւղած հաւատքը դէպի Հայաստանեայց մայր Եկեղեցի, իբրև յոյսի և մխիթարութեան ու հոգևոր փրկութեան աղբիւր: Հեռու երկրներում բնակւող մեր զաւակներից շատերը գուցէ դժուար հասկանան այս սքանչելի երևոյթը:

Ստույգ իրողութիւն է, որ այսօր հայաստանցիներ, հայոց դաստիարակ մայր Եկեղեցու կամարների ներքոյ, գտնում է հոգեկան նեցուկ, ապաւին ու ազգային ինքնութեան ստուգութիւն: Եւ Մենք գոհ ենք յոյժ, որ այս հոգեկան ապրումների միջնորդրտի մէջ մեր Եկեղեցու սպասաւորները՝ եպիսկոպոսներ, վարդապետներ ու քահանաներ, բոլորը երիտասարդներ, փորձում են իրենց պարտքը կատարել հաւատքով ու նուիրումով, մանաւանդ աղէտեալ շրջաններում և նորաբաց վանքերում ու եկեղեցիներում Սիւնեաց աշխարհում և Արցախում: Մեր առջև դրուած է մեծ ու պատասխանատու խնդիր՝ անեցնելու թիւը մեր երիտասարդ հոգևոր մշակների: Այդ իսկ նպատակաւ այս տարի մեր Հոգևոր Ծեմարանի ուսանողների թիւը բարձրացրինք եօթանասունի:

Զարմանալի երևոյթ է նաև մեր ժողովրդի և մտաւորականութեան՝ հոգևոր ու ազգային հպարտութեան հասնող զգացողութիւնը, Հայաստանի քրիստոնէացման 1700-ամեակին նուիրուած՝ Երևանում մի յուշադրձան եկեղեցի կառուցելու աւետիսին ի լուր, ծրագիր, որ Մենք յուսով ենք, թէ այժմեան ծանր օրերը անցնելուց յետոյ, կեանքի կը կոչուի 2001 թուականին:

Ահաւասիկ Մեր մխիթարութիւնը այսօր, Մեր յոյսերը, Մեր սպասումները և մանաւանդ մեր աներեր հաւատքը յաղթահարելու ամէն դժուարութիւն, բեկանելու չար ուժերը: Եւ ինչպէս նահատակ մեծ բանաստեղծը, կանգնած մեր ճակատագրի ճանապարհին, ուխտենք՝ «Մենք զաւակների օգոստափառ, պիտի կերտենք նոր Արշալոյս»:

Սիրեցեալ հաւատացեալներ Մեր, արթուն և ինքնավստահ, փոխադարձ սիրով ու միասնական՝ գնացէք դէպի կեանք, դէպի հալոյնանումէր աշխատանք, դէպի յաղթանակ:

«Հոգով եռացէք, Տեառն ծառայեցէք, յուսով խնդացէք, նեղութեան համբերեցէք, աղօթից ստեպ կացէք... եթէ հնաւ ինչ իցէ ձեզ, ընդ ամենայն մարդկան խաղաղութիւն կալջիք» (Հոռմ. ԺԲ 11—18): Ամէն: